



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586-410, fax: 586-444

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09, člana 71. stav (2) tačka 1. Statuta Općine Vogošća ("Službene novine Kantona Sarajevo", br. 27/14 – Prečišćeni tekst, 14/15, 9/20 i 23/24) i člana 1. Pravilnika o načinu ocjenjivanja pristiglih prijedloga udruženja/fondacija (organizacija civilnog društva, nevladinih organizacija u okviru Javnog poziva za realizaciju projekta Centra za zdravo starenje Vogošća, broj: 02-31-71/26 od 21.01.2026.godine, Općinski načelnik raspisuje:

JAVNI POZIV
udruženjima/fondacijama (organizacijama civilnog društva/nevladinim organizacijama)
za realizaciju projekta Centra za zdravo starenje Vogošća

I CILJ PROJEKTA

Cilj ovog projekta je unaprijeđenje kvaliteta života osoba treće životne dobi kroz:

- promociju zdravih stilova života,
- socijalnu uključenost,
- aktivno starenje,
- međugeneracijsku solidarnost,
- volonterizam,
- uključivanje osoba treće životne dobi u zajednicu i društvo.

Općina Vogošća (u daljem tekstu: **Općina**) poziva sva udruženja, fondacije i organizacije civilnog društva, kao i nevladine organizacije, da dostave prijedloge projekata u okviru sljedećih oblasti:

1. Promocija zdravlja i poboljšanje kvaliteta života osoba treće životne dobi,
2. Poboljšanje socijalne uključenosti osoba treće životne dobi u zajednicu i društvo.

II FINANSIJSKA SREDSTVA

Finansijska sredstva za odobreni prijedlog realizacije projekta planirana su u Budžetu Općine Vogošća u iznosu od 35.000,00 KM (tridesetpet hiljada konvertibilnih maraka). Općina zadržava pravo da poništi Javni poziv u slučaju da prijedlozi projekta ne zadovoljavaju zadane kriterije kao i pravo izmjene iznosa odobrenih finansijskih sredstava u skladu sa budžetskim sredstvima Općine.

III MJESTO IMPLEMENTACIJE I DUŽINA TRAJANJA PROJEKTA

Projekat će biti implementiran na području općine Vogošća, u objektu koji je namjenjen za Centar za zdravo starenje na lokaciji MZ Vogošća II, adresa Branilaca Vijenca broj 2. Dužina trajanja projekta je 12 mjeseci. Izabrani projekat trebalo bi da se provede u toku 12 mjeseci sa mogućnošću produženja maksimalno do 12 mjeseci pod istim uslovima.

IV PRAVO UČEŠĆA

Pravo učešća u Javnom pozivu imaju udruženja i fondacije koja ispunjavaju sljedeće uslove:

- a) da su osnovani i registrovani u Bosni i Hercegovini,

- b) da su vođeni od strane državljana Bosne i Hercegovine (da se u upravnim tijelima nalaze državljani BiH),
- c) da imaju sjedište na području općine Vogošća najmanje dvije godine prije objave Javnog poziva,
- d) da djeluju na području općine Vogošća,
- e) da su aplicirali s projektima namijenjenim građanima općine Vogošće,
- f) da ne obavljaju aktivnosti u ime političkih partija, niti su politički angažovani.

V OBAVEZNA DOKUMENTACIJA

Aplikanti su obavezni dostaviti sljedeću dokumentaciju:

- a) pregled budžeta projekta,
- b) plan aktivnosti po mjesecima,
- c) administrativne podatke o aplikantu,
- d) finansijsku identifikacionu formu,
- e) izjavu o ispunjavanju uslova,
- f) prijedlog projekta.

VI DODATNA DOKUMENTACIJA

Aplikanti su dužni dostaviti sljedeću dodatnu dokumentaciju:

- a) rješenje o registraciji aplikanta (original ili ovjerena kopija),
- b) identifikacioni broj,
- c) ovjerena kopija lične karte ovlaštene osobe,
- d) uvjerenje o izmirenim poreskim obavezama (original ili ovjerena kopija uvjerenja izdatog od strane nadležne poreske uprave),
- e) uvjerenje o izmirenim doprinosima za zaposlene, ukoliko aplikant ima zaposlenih (u slučaju da nema zaposlenih dostavlja se potpisana izjava o tome),
- f) završni godišnji finansijski izvještaj za posljednju poslovnu godinu za koju je izvještaj dostupan u trenutku podnošenja prijave (bilans stanja i bilans uspjeha),
- g) podatke o osobama koje realizuju projekat (kraći CV sa pratećim dokazima),
- h) druge dokumente koji mogu biti relevantni za ocjenu prijave.

NAPOMENA:

Ovaj Javni poziv odnosi se isključivo na izbor partnera za realizaciju projekta **Centar za zdravo starenje**.

Prijave koje nisu u skladu s ciljevima projekta, koje predviđaju finansiranje redovnih aktivnosti aplikanta, političke aktivnosti, individualne koristi ili dodjelu sredstava trećim stranama, neće se razmatrati.

Udio administrativnih troškova u budžetu projekta ne može prelaziti 20 % ukupne vrijednosti projekta..

VII PREUZIMANJE DOKUMENTACIJE

Dokumentacija i informacije vezane za prijavu na Javni poziv mogu se preuzeti sa službene web stranice Općine www.vogosca.ba ili lično u Općini - Služba za boračko-invalidsku i socijalnu zaštitu, soba 42, ulica Jošanička broj 80, 71320 Vogošća.

VIII PREDAJA APLIKACIJA

Popunjena aplikacija sa kompletnom dokumentacijom dostavlja se u dva (2) primjerka, u štampanoj formi, u zatvorenoj koverti sa naznakom: „**za Javni poziv za realizaciju projekta Centra za zdravo starenje Vogošća**“, preporučenom poštom ili lično na protokol Općine Vogošća, svakim radnim danom na sljedeću adresu: Općina Vogošća, ul. Jošanička br.80, 71320 Vogošća. Na koverti obavezno mora biti naznačen: naziv Javnog poziva i napomena „**Ne otvarati**“.

Rok za predaju aplikacija/prijava je deset (10) dana od dana objavljivanja Javnog poziva. Aplikacije dostavljene nakon isteka navedenog roka bit će razmatrane samo u slučaju da poštanski žig ukazuje na datum slanja prije zvaničnog isteka roka. O zaprimljenim aplikacijama Općina Vogošća vodit će urednu evidenciju i izdavati potvrde o prijemu. Svi aplikanti koji su dostavili prijave bit će pismeno obaviješteni o odluci o prihvatanju ili odbijanju prijedloga projekta. Pristigle prijedloge razmotrit će i ocijeniti Komisija za ocjenjivanje, imenovana od strane Općinskog načelnika. Rezultati će biti objavljeni na oglasnoj ploči i web stranici Općine Vogošća.

Broj: 02-31-71-1/26
Vogošća, 23.01.2026. godine

**PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA**

Fetah Kadrić